

湖南府縣志輯

中國地方志集成

光緒龍陽縣志

K296.4
10
59

中國地方志集成

湖南府縣志輯 ⑦⑦

光緒
龍陽縣志

江蘇古籍出版社●上海書店●巴蜀書社

重修龍陽縣志序

洞庭之西邑曰龍陽為古辰陽縣蓋澤國也舊有兩志俱集於邑人陳氏手同治甲戌黃子治大令復聘余門人陳

龍陽縣志

卷之首

序

一

子海齡續修之稿初成以其書來就正且問序於余觀其詳

皇澤

辨古蹟臚風節紀名宦錄

鄉賢闕者補之謫者訂之

體製甚為切當其隄垸水道

一門尤於茲縣大有關係官

茲士者取其書閱之某鄉

宜補葺某鄉宜疏排某鄉

畏潦某鄉照旱瞭然指掌

龍陽縣志

卷之首

序

二

雖舞文之者有所難敘可不謂有裨政治乎夫志乘猥煩或挾私以角才或緣飾以要譽或者覈未悉或杜撰不真近來此類所在多有其足

與武功靈壽諸志並傳千
載者少矣茲書立門有準
辨證協宜傳信徵實無濫
無偽即此可以驗立言之誠
樸焉陳子為余庚午獄

麓書院所拔士領解後益稔
其潔躬嗜古不肯為作偽之
言余方期陳子自證所學出
而有補於當世勿徒以一編
自局也是為序

光緒初元歲在旃蒙大淵
獻陽月前撫湘使者景東
劉崐韞齋序



重修龍陽縣志序

龍陽縣志在

國朝茲爲三修初志稱明有舊志惜其書不存康熙朝吾
太高祖宅衡公創始爲之曰初志至嘉慶十九年家作
霖從兄繼修之是爲續志初志雖多簡易其體製樸潔
猶有康氏武功陸氏靈壽遺則續志初藁成於數人之
手遲裁不一間有互見故事彼此殊辭作霖以一人訂
正於後前此始事如游先生丹亭歐先生退菴李先生
餘軒楊先生石鵲童先生立甫諸公各已星散無從協
謀故終不免滲畧如田賦道里古蹟人物諸門觀之不

龍陽縣志

卷之首

新序

能盡合也其亟宜釐定者伍徵士典午時高賢也自沿
楚志之誤而墨池繫諸張旭者七百年是趙甲錢丙之
冠裳被於張乙李丁之軀幹矣丁易東元初大儒也既
列元史則宜稱元人然猶曰宋進士也應氏府志乃誤
爲武陵人是蓮花峯下之濂溪宜存而營道之濂溪宜
沒矣若夫夕宿辰陽逆指辰淑則險灘何能汭流之速
滄浪流水疑發孺歌則襄陽別有滄浪之津龍陽命名
泥爲孫吳則吳志並無置縣之注其他職官則詳縣令
而畧郡路學校則存廟制而缺典禮田賦錯布台離京
省誤計郵里古蹟全漏金石文職則條師儒隄堰不述

廢沈賑蠲未詳

皇澤凡茲紀敘例在臚陳惜近年兵燹屢經學署所弄

賜書及縣門數百年冊籍概歸烏有故省垣催書之檄屢下

前 邑侯江右陸公典丞毅然經始以邑中老宿陳君

南屏彭君晴嵐吳君瀛洲及仲兄霖川諸公分任編纂

排比年餘而書不及大半者支獻無徵之故也保真客

遊歸里付母讀書仲兄嘗言及此事之難保真亟檢書

簾得舊時讀史所錄自漢魏以下有關於吾郡事蹟者

多有附載特非爲輯志起見故所鈔搨漫無統緒將以

罪吾兄鳳樓之助於時 邑侯黃公子治同轉世丈聞

龍陽縣志

卷之首

新序

保真在籍召令至城勸理茲務友人易方伯笏山亦拳
拳致屬竊念邑志爲

聖朝圖書所繫厥任良鉅雖吾家兩世纂綴舊有令撫而六

十餘年中變故頻仍終慮難於徵信既屢辭不獲乃不

自量黽勉從事幸年來諸君所編皆有程式可觀惟分

任採輯志書案卷列名殊多而來局者寥寥事故不能

驟集爰晨夕摛討或假書於人或丐吳裕之廣文鈔錄

於撫藩提學三衙諸科其不足者則賴有舊日鈔存史

事多堪印證採訪所收隨時登列事無停畧自二月入

局至十一月而書成凡十門爲條五十有五附書之類

二十有八而以

皇澤紀敬冠首簡自維疏陋不足報 黃公之命增梓里之

華然李文簡作通鑑長編有云甯失之繁無失之畧竊

師其意以爲紀述或遺或濫恆懷於心惟無書可徵者

則不敢妄爲撫拾也是役也 黃公以漢陽名流耀臨

軫次惠廳扇普政清民和公勤燕閒官書雅眷羅指譏

遺尊獵掌故譬驛驛前蹇舵師張帆逡巡揚管恃焉氣

振又幸郴州 勝之陳公常甯 浣初李公兩司訓不

時剔摘炤照內旨以此高簡古茂雖未窺先詰堂除凡

諸杜譔不倫隱畏蹈尤差信稍違冥責至類事蕪淺述

龍陽縣志

卷之首

新序

三

古庸畧學識限人誠難免焉脫藁後謹叙其崖畧如右

同治甲戌仲冬邑人陳保真懷甫

重修龍陽縣志目錄

新序

原序

凡例

修纂姓名

第一冊 卷之首

皇澤紀

第二冊 卷之一

輿地一

輿地沿革圖

龍陽縣志

卷之首

目錄

輿地沿革表

輿地沿革攷

疆域

星野 氣候占驗附

第二冊 卷之二

輿地二

山川

第三冊 卷之三

輿地三

坊鄉 市集附

隄障

第三册 卷之四

輿地四

古蹟 金石圖墓漏澤園附

風俗 方言附

第三册 卷之五

建置一

城池

官廨 行署廢署附

第三册 卷之六

龍陽縣志 卷之首

目錄

建置二

公舍

石櫃

第三册 卷之七

建置三

津梁

坊表

第四册 卷之八

秩祀一

廟壇寺觀附

第四册 卷之九

食貨一

田賦 經制

第五册 卷之十

食貨二

積儲 常平社倉附

物產

第五册 卷之十一

食貨三

戶口 捐釐附

龍陽縣志 卷之首

目錄

災祥

第六册 卷之十二

學校一

文廟 修建祀典學制學額名宦祠鄉賢祠忠義祠節孝祠學署學田附

書院 經費射圃賓興卷費 廢書院義塾考棚附

第七册 卷之十三

武備一

兵制 俸餼附

屯汛

驛遞

關隘	紀事	第七冊 卷之十四	職官一	官制	文職	武職	第八冊 卷之十五	職官二	名宦 武畧附	龍陽縣志 卷之首	第八冊 卷之十六	選舉一	徵辟	進士	舉人	武進士	武舉人	第九冊 卷之十七	選舉二	貢士
										目錄										
										四										

行伍	援例	封廕	第九冊 卷之十八	人物一	名宿	第九冊 卷之十九	人物二	忠烈	孝友	龍陽縣志 卷之首	第十冊 卷之二十	人物三	篤行	義行	第十冊 卷之二十一	人物四	隱逸	耆壽 鄉飲附	流寓	方伎
										目錄										
										五										

第十一册 卷之二十二

人物五

列女上

第十一册 卷之二十三

人物六

列女中

第十一册 卷之二十四

人物七

列女下

第十二册 卷之二十五

龍陽縣志

卷之首

目錄

藝文一

撰述

文類

第十三册 卷之二十六

藝文二

文類

第十四册 卷之二十七

藝文三

文類

第十五册 卷之二十八

藝文四

文類

第十六册 卷之二十九

藝文五

詩類

第十六册 卷之三十

藝文六

詩類

纂修縣志原序一

由鼎州東北行六十里爲漢漢壽縣地今以名鄉而龍則吳大帝卽其地所分置邑也舊志以水如龍形邑在其南故曰龍陽而符瑞志曰吳赤烏十一年黃龍二見漢壽界孫氏瑞之改曰吳壽因更立一縣以龍見其陽故名水形蜿蜒者多矣名縣以瑞其說近是方今幅員訖海內外悉臣悉服

天子詔輯大一統志蒐覈邑乘及於龍令三韓蔡君敬屬邑士陳子一揆修之山川村市相錯如繡而能道其風土詳其物宜濱水者有鱖鯉針白羸蚌之饒岩處者繁松

龍陽縣志

卷之一

原序

杉橘栢棕蠟之殖廬田野者資稻粟麥蕎藥物菜茹之獲俾習而忘焉者稱說是志咸知佃漁之可以給生雖不必家致豐贍而歲時伏臘愉適矣於是安其業樂其俗不肯輕去其鄉重爲邪說以安於太平舉萬國視此甚矣志之有裨於治也余嘗進邑人士較其藝業俊雋之才旣冠於旁邑而聞邑有貧不能婚葬者人佐以貲曰孝友會亦曰喜會有古卹睦遺風苟從此俗日益啟人才日益出不亦休乎顧余攷故明正嘉間民齒之蕃至三萬四千二百二十九口至其季屢苦寇侵之又繼歲殫之

國初勞來綏集僅成丁八千三百八十有二近年復被兵

死徙相半乃止筭丁六千一十二夫財賦莫饒於墾田今戶口減於正嘉六之一田安得不就荒賦安得復古噢煦而生育之舍在位者誰責且邑北之大園隄久廢不治堤以內舊容七村無復子遺而田棄汙萊者幾三千餘畝其可悲矣余惟備官貳隄政弗尙屬及代攝隄事爲隄民請命會又移守廬陵志不竟展余惟龍饒稼植漁樵之利而多有造之才俗習近古稱易治其難者在生聚之而畢墾田蔡君爲令民咸安之以與民相安之令因其地利進其人才而順導其俗始其易者以無

龍陽縣志

卷之一

原序

二

辭乎難緩之輯之課耕足賦余深有望焉蔡君拜手曰是令志也因以序之康熙二十五年歲在丙寅春王穀旦中憲大夫署湖南常德府事本府同知新陞江西吉安府知府西湖湯修正撰

纂修縣志原序二

今天下郡邑莫不各有志者夫豈漫然以爲之乎原夫作志者之意要皆本吾夫子作春秋之意以爲之也其思深其慮遠其有關於國計民生艱且鉅何則其志山川志形勝者非徒誇美水秀山明以博騷人學士之吟詠將見設險固圉古王公不廢也其志星紀志災異者

非徒天官時日紀異標新以惶駭聽聞將見天心變於上人事宜修於下也其志吏治志人物者非徒標榜姓氏用紀芳徽明乎有司之賢否褒貶維嚴人才之盛衰教養得失也至於志戶口之多寡賦稅之盈虧土地荒蕪田野開闢非徒會計出入而國家之隆替天下之治亂繫焉若夫志忠臣志孝子志烈婦貞夫所關綱常名教尤非淺鮮於戲作志者之意抑何其思深其慮遠而所關於國計民生艱且鉅哉

皇清乙丑削平三逆海外輸誠既奏武功爰敷文教特命儒

臣纂修一統志

龍陽縣志

卷之一

原序

三

詔下郡邑各緝志以備採擇維時三韓蔡君令常之龍陽未期年正當滇黔僭竊之後哀鴻甫集湯火始離軍需浩繁調劑望切蔡君遽能應

詔不以志爲緩視諮詢聞人廣蒐博採不數月而志成方付剞劂用昭永遠而余於丙寅春仲始下車適以公事赴星沙取道於龍蔡君謁余卽以志請余曰君不以志爲緩視是深知作志之意也矣余扁舟湖上夜雨篝燈未嘗不撫卷而竊歎龍之爲邑自漢迄今千有餘載雖其間遞有盛衰戶口之減賦稅之虧未有如今日之甚者矣況邑之大患濱江帶湖圍隄未築而欲求教養生聚

戛戛乎難之覽斯志也方欲與民力求保障庶幾十年可復舊觀無何夙痼頓發日與樂鋤作緣念茲衝繁安能效汲公之卧理循例乞休章數上而當事始允嗟乎予不得委曲周旋而與斯民以圖振弊還醇者予負斯民也雖狀守令二官於民爲最近得一賢守不知得一賢令今蔡君以勲業大臣世胄膺民社之寄能充此作志者之意使廢者修缺者補省不急之務除額外之徵食既足而義心生養既備而文教著龍何難於復觀昔時之盛耶他日余在林泉有告余曰湖南有邑桑麻鷄犬物阜民安無異昔時之避秦桃源者余曰此必蔡

龍陽縣志

卷之一

原序

四

君之治龍陽也余將行矣君其勉諸康熙二十五年歲次丙寅中憲大夫知湖廣常德府事新安吳肇榮撰纂修縣志原序三

古者列國有史世史職之故業不分而法不撓自諸侯變而郡縣國史之事則官斯土者任之蓋郡縣之有志亦猶夫國之有史也事顧不重哉雖然能任斯事者不廣諮諏而深考核則病其無徵不經其邑之達人碩彥則不信不更歷數人之手而櫛藻之則眾善不備龍邑俗稱易治民尙敦龐邇自嘉萬兩修郡志而龍邑終鮮特志即獲殘編所存者亦什之一耳我

朝定鼎以來職斯土者未嘗不欲哀集成書緣案牘殷繁雖有志而未逮甲寅歲吳逆肆虐地當蹂躪之餘瘡痍未復司牧者惟兢兢以稱職爲幸而志之修與不修不暇講也是百十餘年什一僅存之志終不克睹其全豈非缺典也哉余以洞庭之役隨 大師督舳艫數百艘戮力

王室誓掃妖氛賴

聖天子之靈克期底定旋以鷄肋守禦此土輒與邑之賢大夫士論列今昔未嘗不樂其俗之淳民之樸山水林石之秀潔也然職居武途無牧字之責而邑之風土諸俗

龍陽縣志

卷之一

原序

五

廢置因革不詳知卽知之亦不及載筆而彙籍之也甲子秋 裕庵蔡侯出宰此邑始至問民疾苦手摩親鞠薄賦省徭訟簡庭清惟興廢爲孽孽邑之人舉欣欣然有生全之樂矣每調琴馴鶴之暇俯仰憑臨覽洞庭之浩瀚觀滄橫之聳翠山川鍾秀代不乏人遠而顯宦名賢未易殫述近而冠蓋蟬聯文章鵲起明則有史公某袁公某而近有彭公某諸鉅卿先生可歷歷指文獻匪不足徵而邑乘缺如豈非有土者之責爰進明經陳君一揆並邑中諸英彥而請之曰志自嘉萬間有關而未備渙而未萃者盍斟酌參考爲我志之諸君亦以俟意

甚善咸鼓舞以襄盛舉蓋幾閱月而書成侯讀之喜乃捐俸錢當付黎棗因屬余爲序余展卷矍然歎曰政在得人宜其然乎夫以龍邑毓山川之秀氣典章文物燦然可觀得賢宰邑如蔡侯者不以長人自用諮諏而考核之洵有徵矣得明經陳君而爲政信矣二三君子復左右之眾善備矣以邑宰而兼國史之事夫非盛舉也耶乃今區宇升平要荒拱化

聖天子育德興行方將輯海內輿圖咸登

御覽異日者我侯獻版籍之殷繁呈山川之秀美其嘉賚且

在

龍陽縣志

卷之一

原序

六

帝心況邑之薦紳先生百爾職事之君子披其成書有不懽欣鼓舞歌我侯之德於莫置耶則所以宣

上德而廣政教莫切於此志余誼忝同舟樂觀厥成因勉附

一言以自託於不朽云歲在乙丑洞庭中軍守備戴朝

幹撰

纂修縣志原序四

邑之有志也不自龍始也亦不可以龍廢也夫龍彈丸耳濱洞庭之野如葉萍如簪笠如蝸之粘壁亦三千大千中一芥子耳然古者太史輪軒採風不遺陳檜吾夫子作春秋不畧邾莒志亦何可以龍廢也況乎涉鼎港

登看竈山古先聖皇之遺跡尙存焉溯滄浪聆漁父之歌聞靈均餘韻恍然如或遇之渡蠡河因思范大夫扁舟高蹈烟波如故而其人已邈矣至於李青蓮騎鯨歸去一代詩豪張伯奇母與仙游靈奇千古迄今過湖畔而深憑弔者父老猶歷歷能道也更若潘承明之屯師保障岳武穆之掃淨荏苒事閱千百年矣然或風月清朗之夜陰雨晦冥之時山川草木間隱隱如聞金鼓步伐聲志亦何可以龍廢也他如徭賦籍之司農戶口登之太府天時則有分野災祥之異地利則有沿革陵谷之移人事則有忠孝節義文章政事之大何不可以辨興衰定損益垂勸誡昭往昔而示來茲志又何可以龍廢也獨自勝國以來疊罹兵燹殘編斷簡盡付劫灰子以甲子秋奉

命來尹是邑田卒汙萊澤中歌哀鴻者殆遍撫字有心催科無術閏乙丑夏會以史館纂修廣蒐啓禎遺事遂奉兩臺之檄而例限較嚴散失復久牙籌俗吏案牘勞人其何能免曳白之誚也因爲諮之廣文先生考諸邑之賢士大夫凡彌月而始就緒爲卷四爲綱十爲目五十有一雖其間之掛漏諒自多端然要其大畧則亦犁然具備矣余深懼夫鈔本之易敝也魯魚亥豕襲舛承訛

罄羞澁之囊而付諸剞劂若謂興廢舉墜斯與有力焉則余豈敢康熙二十有四年孟秋之中浣文林郎知龍陽縣事三韓蔭蔭撰纂修縣志原序五

志非史也周禮外史掌之江淹曰修史之難無出於志志猶史也志一郡與志一邑郡其綱也邑其目也邑則自爲綱自爲目者也顧時勢遞遷所在休祲圯繕險易隆替之類因以異前人之述備矣而莫爲之後焉可耶龍志未知何昉惟明嘉萬兩修郡志稱善鮮特志龍者後此兵燹相仍老成凋謝一旦欲捃摭故實補綴遺文不已疏乎

國朝定鼎大一統於茲武功文德之盛蔑有加者方之曹滕邠莒悉人王會焉龍雖小必錄向庚戌郡人賀君奇纂修始擅藍本不無掛漏甲子楚局湖以南多後至邑乘莫畧於我龍迄今十五國稟然成書矣乃史館宏開猶復蒐遺跡垂會典向之漏者掛耶時奉各上憲檄朗州而邑侯蔡公名都巨閥負韓歐之望齊卓魯之聲甫一歲直足千秋慨然起衰爲任徵文考獻龍實賴之第責重畧促孔子作春秋郭公夏五傳疑馬遷世爲史家足跡遍天下且多所抵牾揆何人斯敢專筆削以附辰

陽故事雖然言不以人廢芻蕘工警輜軒探焉龍安可不志乎哉龍舊澤國三山六水總匯於洞庭長老皆各往往稱軒黃鑄鼎少伯遊湖處其中風土賦役人物政治俱可次第考至孝節隱微當茲

盛世闡揚之日彼白屋良金綠窗貞石湮沒於碧燐青塚間者可勝道哉侯自下車來留意地方一切利病緩急瞭然指掌將福我龍未已也是役也同學博敏瞻之陳君沈練之張君集邑人士旦夕講求如所檄啟禎遺跡時有而前乎此與後乎此者得參伍其中揆抱殘守缺懼不文屈勉校讐若者綱若者目犁然畢具聊備採擇以

龍陽縣志

卷之一

原序

九

基邑乘爲豹一斑以達史館爲狐一腋侯之功也學博之助也邑人士之幸也揆何力之有焉嗟乎百廢俱興之會司民牧者挽一時之風氣發潛德之幽光樹不朽之大業綱舉而目張其在斯乎其在斯乎竊屬竊藉之于行附驥尾而名彰矣

康熙二十四年歲在乙丑孟秋月中浣之吉邑人陳

揆撰

纂修縣志原跋一

國有史郡邑有志志之難與史等非才擅淹雅親悉始末何敢妄有所作此太史公史記由足跡遊遍而後成

蓋慎之也今之志天文志符瑞志人物戶口非即本紀歷書平準貨殖之遺乎作者固難紹軌龍門但考覈詳明母令魚魯千古斯善耳龍志缺百年餘矣即康熙庚戌郡人賀君從斷簡殘篇中搜輯以成猶多掛漏本年以會典檄補啓禎一役因取啓禎前後名宦中之遺逸鄉先生之歿而宜祭於社才名政行忠孝節烈之足表章者均續志焉邑侯蔡公三韓世族當新礪遊刃之初不惜解橐爲商諸學博陳張兩先生力請行之夫以侯之達學宏才扶衰起弊歷有美績學博兩先生一時典型足光邑乘則非徒先朝之遺跡是即

龍陽縣志

卷之一

原序

十

當代之成書鳴霄與陳子一揆同志有年忘其固陋其相參訂雖事繁任鉅折衷尙或有待然缺者補畧者詳焉者辨幾幾乎暗室一炬矣於以達之史館大王會以譜同風則一邑之書即國史同其不朽脩明之力於侯處世世云康熙乙丑歲季秋之上浣邑庠生彭鳴雷野聞甫謹跋

續修縣志未刻序一

龍邑於漢爲索縣及漢壽地自三國迄今俱稱龍陽相沿一千餘年可謂故國其陸爲沅澧之衝其水爲湘沅之會汪洋萬頃洞庭半焉其間田畝參錯隄障濛迴雖

號彈丸實爲要隘自明季之厄盜寇頻仍灾祲沚作人民非舊風跡俱湮往事不堪回首矣

皇清定鼎宇宙重新井疆漸啟然而兵燹甫定哀鴻未鳩雖守土者與鄉大夫力圖興復舊觀其如日求生聚開闢草萊至一切往跡新聞既苦於文獻無徵又限於訪求難備邑志一書勢維有待迨康熙二十四年

皇圖益鞏品物咸亨邑宰三韓蔡公與司鐸陳君張君咸嘉都人士之意其輯邑乘一書蒐羅典故紀次人文繕有成書後來得所考據今

皇上御極五十九年又將百載

龍陽縣志

原序

十二

聖相傳涵濡久渥
恩教所及寰海同風一統志之所採擇省郡州縣之所修輯

煥煥炳炳燦若日星龍邑舊書雖常陳於天府而邑大夫猶思其未極精詳時多掛漏重以封疆大吏志求美備遂不辭廣諮博訪闕者補之畧者詳之舊者覆之新者增之別類分門循名核實頗稱完善焉時則蒞事者知縣事鮑西秉鐸者教諭楊瓊訓導廖銓襄事者庠生歐學優童禮盛李枝扶楊學鄉等而余適當其成爰記於舊叙之後云乾隆五十九年月日署龍陽縣事純齋趙嘉程撰

續修龍陽縣志原序一

龍陽一邑左控長江右跨金牛縱橫二百餘里其地三山六水土宜稻麥澤足魚蒲民俗尙耕稼喜詩書昔人稱爲富庶文獻國自明末屢經兵燹算丁僅至六千有奇凋瘵已甚我

朝定鼎休養生息水火而衽席之百六十餘年湛恩龐洪勝登春臺而遊華胥矣予以

今上庚午年膺

簡命來令茲土見夫民尙樸厚士厲敢龐劉禹錫之歌土風納如台之稱文學今猶有不異於古所云者西望橘園

龍陽縣志

卷之一

續修原序

十三

丹陽所以裕後也猶留歲網之遺跡南過石壇丁易東編修之里居在焉沅陽賜額風教固殊東北則太常名山揚煥稱市藩承明之屯師保障岳武穆之蕩清萑苻武功斯競而抗疏引絕以蘇疲民仰青惠烈之香火蘋蘩尤慨然想見其爲人下車後深維古人吏治端在惻樸無華嘉與士民務農勸學不敢以粉澤脂黛與維士民亦安予之簡靜風氣日益醕古殆不啻淮陽之可臥而治也適郡有改建考棚之役眾紳士等以邑志未竣申請於予蓋自舊志之作去今已百二十餘年矣其間土地日壘政教聿新一切人物治蹟及夫忠臣孝子貞

婦義夫之有闢綱常名教者畧焉弗紀誠爲闕典此邑志之所以汲汲也昔前任純齋趙公奉檄修之而書未成近者楓階陳公已付剞劂苦艱費而緒未就予嘉諸生之意因命呈閱一一鑒定捐清俸以藏厥事俾將來達之史館可代輜軒亦使官是邑者民風物產利病興廢有所監視爰爲之弁言於其端云昔嘉慶十八年歲在癸酉仲冬月穀旦湖南常德府龍陽縣知縣張在田

續修龍陽縣志紀畧二

龍陽舊無志前明嘉萬兩修郡志亦未有專志龍者

龍陽縣志

卷之一

續修原序

三

國朝定鼎後宏開史館蒐輯遺文邑先哲陳彭兩先生始網羅散失勒爲一書今又閱百二十餘稔矣人民殷庶物產豐饒視舊志所載奚啻十倍第舊志書僅四册板歷百年字磨滅難卒讀徵文獻者惜焉乾隆甲寅制臺畢檄下纂修縣志備國史館採擇邑先達數輩設局訪輯近一年無成書嗣庠生廖溶彭玉搜故麓遺稿授鄉貢生游鳳藻彙纂成編嘉慶己巳夏昌宇與同事李爾馨葉震瀛陳德沛廖聯珠張學庭訂正付雕程工過半尋以改修文昌宮中止會今春郡城有改建考棚之役邑侯鶴峯張公念邑志爲闕邑盛舉他日採風問俗達

之

皇覽亦撫有民社者之責也爰命陳子德沛較正原稿以藏厥事夫龍邑地本彈丸其間民情土俗人物山川與忠孝廉節之行拾遺補缺自易易事何必遲至廿餘年始有成編哉緣邇來邑中公事旁午動廢數千捐貲者苦難給矣而縣志一書始則等築室之謀繼幾深爲山之慮是以遷延日久剞劂方竣耳昌宇幸是書得繡藻於同事諸友尤幸邑侯蒞政之暇日以興廢爲莘莘不惜持衡設鑑而成是書也爰爲紀其畧云昔嘉慶十八年

癸酉嘉平月既望邑人張昌宇合六氏紀

龍陽縣志

卷之一

續修原序

五

續修龍陽縣志實錄三
曩歲甲寅鄉前輩奉制憲畢檄修邑乘則有歐公退菴李公餘軒楊公石鴈暨吾師童公立甫四先生廣採博訪倡稿於前然未及纂輯其後廖公復菴以稿授游公丹亭加增削時游公主邑書院講席震瀛以肄業同張君學庭修門誼已而公北上應禮闈試復檢稿授震瀛及學庭且曰是志也固數易稿而未就剞劂者也尙速成之母荆榛委因商陳君德沛張君昌宇廖君聯珠李君彌馨分任而校理之而總其事者惟彭公崑岡乃書刊大半而中止蓋經費不足故也邇來張君學庭以充

官學教習留京師未獲歸而與成之而震瀛諸人實以與志終始相掣肘爲憾適郡屬建修考棚例得勦捐惟幸邑人士踴躍樂輸而邑侯張公鶴峯先生屬理舊業撥費葺事書乃得告竣焉嗚呼志之修難於創始尤難於觀成顧如是哉校既竣輒述數言都前後修志諸姓名而備錄於簡端嘉慶甲戌歲春三月旣望邑人橫水葉震瀛仙舟氏謹識

續修龍陽邑志跋四

龍陽縣志

卷之一

續修原序

五

舊志創修於康熙己丑書凡四卷今廣爲八卷其分門別類視舊志小有異同采輯收錄則已過之起乾隆甲寅迄嘉慶甲戌書始成夫事莫難於創始而易於有基先祖宅衡公以邑侯三韓蔡公之聘與邑前輩彭鳴霄等奉檄纂訂是書爲之於文獻零落之餘趣成在數月之間然能應期立辦者蓋由勦事多事權一也百餘年來邑事亦疊出聿新矣前人已爲其難而後莫之繼可乎歲丁卯庠生廖溶彭玉始以甲寅歲邑人歐學優童禮盛李枝扶楊學鄉所纂殘稿付鄉貢士游鳳藻檢校釐正已擅藍本會游公公車北上張子昌宇等與德沛不忍茲事之閣廢將舉前志之所未及詳及邇來人物事蹟之不容泯沒者補其缺漏酌其繁省勒成一書以

備芻蕘勉強從事者蓋亦有年茲幸邑侯鶴山張公福曜星臨慨然修廢舉墜命理舊稿屬以志備輶軒采擇將信今傳後者也考據宜審去取宜嚴無隱善無虛美苟不能無欺於冥昧之中不有人非亦有鬼責承命校讎於茲蓋兢兢不敢苟焉綜前後所纂俱已隨時呈請鑒定越半載而後棗梨始竣噫茲志之成倘亦有數存乎其間耶抑本其遲速難易之故而皆自於人耶刻既畢眾趣有記因僭書數言附之簡末豈嘉慶十九年歲在甲戌四月旣望邑人陳德沛傅霖氏謹跋

十六